

四庫全書

史部

欽定四庫全書

史部

明集禮卷十七

詳校官監察御史<sub>臣</sub>劉芬

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官中書<sub>臣</sub>孫球

謄錄監生<sub>臣</sub>張永浙

欽定四庫全書

明集禮卷十七

嘉禮一

朝會

總叙

周天子之朝有四一曰外朝以聽訟二曰中朝以見羣臣三曰內朝以聽政四曰詢事之朝國有大事致萬民而詢之於是後世有常朝與大朝會之禮焉漢高祖用

叔孫通起朝儀七年長樂宮成羣臣奉賀武帝十月朔  
行饗會二千石以上上殿稱萬歲此大朝會也每月有  
朔朝至宣帝則五日一朝此常朝也唐貞觀初宣政殿  
每日臨朝十三年則三日一朝二十三年則每日常朝  
永徽間於太極殿五日一朝及朔望朝開元後不能日  
見羣臣而獨朔望一朝其正旦冬至五月朔千秋節則  
受朝賀焉宋太祖建隆二年正旦御崇元殿受朝賀元  
豐中侍從官常叅於垂拱殿百司朝官五日一朝紫宸



殿在京官朔望亦朝於紫宸殿其正旦五月朔日冬至  
長春節則行大朝會禮於文德殿馬元世祖至元十一  
年正旦始御大明殿受朝賀及後天壽節皆行朝賀禮  
每日則宰執入延春閣及別殿奏事而已國朝之制正  
旦冬至聖壽節於奉天殿受朝畢賜宴於謹身殿及東  
西廡其蕃使表貢則以其所至之日而設朝每日見羣  
臣於謹身殿或奉天殿奉天門以為常朝焉今著歷代  
朝會器服儀文之詳及國朝儀注圖本作朝會篇

乘輿冠服

周制天子受諸侯朝覲則服衮冕其常朝則用皮弁服  
秦滅禮學服尚衮玄衮繒也冕旒前後邃延漢承秦弊服

無定制至明帝時始制冕服魏因漢制無所損益晉正  
旦朝賀用介幘通天冠平冕服皂上絳下衣齊梁以下  
皆因之隋正旦朝賀服衮冕聽朝則服赭黃文綾袍烏  
紗折上巾唐正旦朝賀用衮冕冬至朝賀服通天冠絳  
紗袍朔日受朝服皮弁絳紗袍其常朝則服赭黃或紅

或淡黃袷袍衫皂紗折上巾宋正旦朝賀服袞冕冬至  
及五月朔受朝則服通天冠絳紗袍其常服赭黃淡黃  
袷袍衫或紅袍皂紗折上巾便坐視事則服窄袍烏紗  
帽元朝用本俗衣冠國朝正旦冬至聖節服袞冕降詔  
則服皮弁常服則用烏紗折上巾盤領衣服色按月令  
春用青夏用紅秋用白冬用黑其土王之日則用黃其  
制度圖本詳見冠服篇

皇太子冠服

皇太子冠服之制周禮無所見至漢朝服用玄冠絳衣  
魏用五時朝服晉用遠游冠介幘朱衣絳紗褰唐正旦  
冬至朔日入朝以具服遠游冠絳紗袍五日常朝正旦  
冬至受朝公服遠游冠絳紗單衣朔日及視事服弁服  
絳紗衣其常服進德冠服袴褶宋朝會用遠游冠朱明  
服其常服皂紗折上巾紫公服元朝用本俗冠服國朝  
正旦冬至聖節皇太子服袞冕九章降詔侍朝用皮弁  
服常服用皂紗折上巾服諸色盤領衣其制度圖本詳

見冠服篇

諸王冠服

諸王蓋即周之上公漢之諸侯王也周制朝天子上公用衮冕九旒服九章漢諸侯王用遠游冠絳衣唐親王用遠游冠黑介幘絳紗單衣宋親王用七梁冠服朱衣朱裳元用其本俗衣冠國朝正旦冬至聖節諸王服衮冕九章降詔侍朝服皮弁服用烏紗折上巾諸色盤領衣其制度圖本詳見冠服篇

羣臣冠服

周制上公朝君執桓圭九寸衮冕九章侯執信圭伯執躬圭鷩冕七章子執穀璧男執蒲璧毳冕五章漢羣臣用五時朝服東漢用織文衣唐朝賀一品二品用五梁冠服朱衣諸司三品御史臺四品兩省五品用三梁冠四品五品六品用兩梁冠並服朱衣朔望日朝服袴褶其每日常朝則用公服三品以上紫五品以上緋六品七品以綠八品九品以青宋大朝會冠服其常朝之服

皆與唐同公服宋初與唐同神宗元豐間改一品至四品服紫五品六品服緋七品以下皆綠元大朝會用唐宋公服之制一品至五品服紫六品七品服緋八品以下皆綠其常朝則用國俗衣冠國朝大慶會朝服一品七梁冠二品六梁三品五梁四品四梁五品三梁六品七品二梁八品九品一梁衣俱用赤常服則用烏紗帽盤領衣束帶其詳見冠服篇

### 儀仗

漢以前朝會儀仗尚簡高祖朝長樂宮庭中陳車騎戍卒衛官設兵張旗幟殿下郎中俠陛陛各數百人後漢正旦天子幸德陽殿大會則有虎賁羽林之屬執弧弓撮矢列於陛之左右唐凡大朝會以三衛番上分為五仗號為衙門五衛一曰供奉仗二曰親仗三曰勳仗四曰翊仗五曰散手仗元日冬至朝會宴見蕃國王則供奉仗散手仗立於殿上又有黃麾仗左右廂各十二部為十二行又有夾轂隊持鉞隊步甲隊辟邪旗隊又有



清游隊朱雀隊玄武隊諸衛挾門隊長槍隊宋大慶殿  
大朝會黃麾大仗用五千二十五人文德殿視朝黃麾  
半仗用二千二百六十五人紫宸殿大遼使朝用一千  
五十六人元大朝會設內外仗用七百四十八人國朝  
大朝會奉天門外中道陳龍旗十二纛一豹尾一左右  
布旗六十四每旗用甲士五共用甲士三百二十奉天  
門內設五輅仗馬六丹墀儀仗九十丹陛儀仗九十殿  
門前擎執黃蓋校椅等儀二十四殿上擎執香鑪等儀

八其制度圖本詳見儀仗篇

班位

周制朝會班位其在外朝左九棘孤卿大夫位焉羣士

在其後右九棘公侯伯子男位焉羣吏在其後面三槐

三公位焉州長衆庶在其後

斯聽獄之時所列位也樹棘以為位者取其赤心而

外刺也列槐以為位者槐之言懷也言懷來人於此欲與之謀也

其在中朝則王南面

三公北面東上孤東面北上卿大夫西面北上王族故

士武士在路門之右南面東上太僕太右太僕從者在

路門之左南面西上

此王視事於路門之位也王族故士為士免退留宿衛者太右司右

也太僕從者小臣祭僕御僕隸僕也

其在詢事之朝則王南向三公及州

長百姓北面羣臣西面羣吏東面漢高帝長樂宮成功

臣列侯諸將軍軍吏以次陳西方東向文官丞相以下

陳東方西向唐開元禮正旦冬至受羣臣朝賀典儀設

文官三品以上位於橫街之南道東介公鄴公於橫街

之南道西武官三品以上於介公之西少南每等異位

重行北面相對為首設文官四品五品位於樂懸東六品

以下於橫街南每等異位重行西向北上設諸州朝集使位都督刺史及三品以上東方南方於文官三品之東重行北面西上西方北方於武官三品之西重行北面東上四品以下皆分方位於文武官當品之下諸州使人分方位於朝集使下亦如之設諸親位於四品五品之南皇宗親在東異姓親在西設諸方客位三等以上東南方者於東方朝集使之東每國異位重行北面西上西北方者於西方朝集使之西每國異位重行北面

東上四等以下分方位於朝集使六品之下重行每等  
異位奉禮設門外位文官於東朝堂之前每等異位重  
行西面介公鄰公於西朝堂之前武官於介公之南少  
退每等異位重行東面諸親位於文武官四品五品之  
南皇宗親在東異姓親在西設諸州朝集使位東南方  
者在宗親位之南每等異位重行西面西北方者於異  
姓親之南每等異位重行東面諸州使人分方位於朝  
集使之下亦如之諸方客位東南方者於東方朝集使

之南每國異位重行西面北上西北方者於西方朝集  
便之南東面北上宋大慶殿正旦冬至大朝會三師三  
公侍中中書令左右僕射開府儀同三司在丹墀香案  
之南少東次尚書左丞在其後皆北面西上親王在香  
案之南少西北面東上門下侍郎位於其東次左散騎  
常侍次給事中左諫議大夫次左司諫正言皆重行位  
于其後觀文資政殿大學士學士端明殿學士位于次  
南並西面北上中書侍郎位于其西次右散騎侍郎次

中書舍人右諫議大夫次右司諫正言皆重行位于其  
後翰林學士承旨至寶文閣學士位于次南次樞密直  
學士待制皆重行位于其後並東面北上契丹使在龍  
墀之上少西北面宗姓節度使以下至率府副率在橫  
街之南分東西相對各重行異位北上夏國使在宮架  
之東軍員在其後夏國從人次之高麗使在宮架之西  
軍員在其後高麗從人次之諸道貢舉解首在其後皆  
北面序班于大慶門外則東西相對以北為上元文武

百司自一品至九品序列于崇文門外文班自外旁折位入日精門武官自外旁折位入月華門各就東西起居位立定然後趨丹墀就位行禮國朝文官齊班位於午門外之東西向以北為上武官齊班位於午門外之西東向以北為上午門西偏門入奉天門西偏門文官起居位於文樓丹墀之南北上西向武官起居位於武樓丹墀之南北上東向殿前班位於武官起居位之北北上東向侍從班起居位於文官起居位之北北上西



向文官一品二品拜位於內道上之東每等異位重行  
北面西上武官一品二品拜位於內道上之西每等異  
位重行北面東上文官三品以下拜位於丹墀內道下  
之東每等異位重行北面西上武官三品以下拜位於  
丹墀內道下之西每等異位重行北面東上分文武官  
為十八位第一班正一品第二班從一品第三班正二  
品第四班從二品第五班正三品第六班從三品第七  
班正四品第八班從四品第九班正五品第十班從五

品第十一班正六品第十二班從六品第十三班正七品第十四班從七品第十五班正八品第十六班從八品第十七班正九品第十八班從九品使客位文官之東

樂

樂之為用尚矣周制小胥正樂懸之位王用宮懸故後世朝會則設樂漢燕樂羣臣設黃門鼓吹樂武帝時宴會則張四懸樂梁朝會設宮懸唐朝會設宮懸又設鼓

吹又設十部伎樂以備華夷宋朝會設宮懸別殿上壽則用教坊樂元正旦天壽節用雲和樂兼用武隊國朝正旦冬至聖節朝賀用大樂宴會加奏細樂兼用舞隊詳見樂書

### 執事

周制大行人掌大賓之禮及大客之儀

大賓要服以內諸侯大客謂其

孤漢高祖朝長樂宮謁者引禮衛官設兵張旗幟

張音帳

殿下俠陛郎中數百人

俠與大行設九賓臚句傳

上傳

告下

為臚下告  
上為句

有御史執法察不如儀者晉正會執事受贄

郎掌受贄謂者掌引王公禮大鴻臚掌羣臣禮大常掌  
引導掌禮郎掌贄事大行令掌二千石禮大樂令掌奏  
雅樂乘黃令掌陳車太官令掌行御酒司徒掌持羹大  
司農掌持飯尚書掌持案唐正至朝賀執事尚舍奉御  
掌設御幄守宮掌設羣官使客次大樂令掌展宮懸乘  
黃令掌陳車輅尚輦奉御掌陳輦輦尚舍奉御掌設解  
劍席典儀掌文武百官位於殿前奉禮掌設文武百官

位於門外符寶郎掌奉寶通事舍人掌引禮中書侍郎  
掌諸州鎮表案絳公服令史二人對舉給事中掌祥瑞  
案絳公服二人對舉中書令掌奏諸方表黃門侍郎掌  
奏祥瑞宋正至朝賀執事太樂令掌樂協律郎掌舉麾  
偃麾符寶郎掌奉寶侍中掌版奏中書侍郎掌押表案  
給事中掌押祥瑞案中書令掌奏諸方鎮表門下侍郎  
掌奏諸方鎮祥瑞戶部尚書掌奏諸州貢物司天監掌  
奏雲物光祿卿掌奏上壽尚食奉御掌進酒殿中監掌

省酒通事舍人掌贊賜酒太官令掌奏巡周食遍大樂  
丞掌引舞殿中監掌進爵元正旦朝賀殿上執事挈壺  
郎二人司香二人主酒二十人主湏二十人主膳二十  
人護尉四十人警蹕三人殿下執事司香二人護尉四  
十人右階下五長凡六人都點檢一人右點檢一人左  
點檢一人殿內將軍一人殿外將軍一人宿直將軍一  
人左階下五長三人殿內將軍一人殿外將軍一人宿  
直將軍一人司晨郎二人表案舉士四人禮物案舉士

四人圍人十人右仗之東侍儀使二人引進使一人通班舍人一人尚引舍人一人閱仗舍人一人奉引舍人一人先與舍人一人糾儀官四人左仗之西侍儀使二人引進使一人承奉班都知一人宣表目舍人一人宣表修撰一人宣禮物舍人一人奉表舍人一人尚引舍人一人閱仗舍人一人奉引舍人一人先與舍人一人押禮官二人糾儀官四人知班三人宣贊舍人一人通贊舍人一人護尉三十人立大明門闌外承傳二人立

大明門楹間國朝朝會執事導駕侍儀使六員導皇太子引進四員引親王四員宣表一員宣表目一員展表二員通贊一人贊禮一人知班二人典儀二人引文班舍人二人引武班舍人二人引使客舍人四人引殿前左右班四人催班舍人四人鋪墊拜席界畫位次陳設版位舍人二人舉丹墀表案舍人二人舉殿上表案舍人二人執外辦牌舍人一人殿前班指揮使三員侍從班光祿寺官三員殿門前拱衛司官二員丹墀階上宿



衛鎮撫二員殿門前護衛執戟千戶八員丹墀階下護  
衛執斧三十四員丹墀南五輅輦士四十員御座左右  
擎執內使八員丹陛上四隅執斧將軍四員殿門左右  
執斧將軍六員奉天門將軍六員殿上執斧捲簾將軍  
二員丹陛上鳴鞭四人殿門前擎執儀仗十六人丹墀  
東西擎執儀仗九十人丹陛東西擎執儀仗九十人文  
武樓南掌仗馬典牧所官二員控仗馬十二人樂工六  
十四人奉天門外中道擎執十七人中道左右擎執旗

弓弩三百二十人控象十二人虎豹柵輦士二十四人  
午門外軍士若干人

陳設

周官司几筵凡大朝覲設黼依依前南鄉

白與黑之謂黼畫斧於辰故名

黼依依與辰同鄉音向

設莞筵紛純

莞蒲之細者以蒲為純純音準緣也

加纁

席畫純

纁席謂加纁飾畫加次席黼純

次席以次列成文黼純以斷割

為漢每大朝會必陳乘輿法物車輦於庭唐正至大朝

賀列仗衛備羽扇於兩廂之上尚舍奉御設御幄於太

極殿北壁下南向鋪御座如常儀守宮設羣官客使等  
次於東西朝堂太樂令展宮懸於殿庭設麾於殿之西  
階乘黃令陳車輅尚輦奉御陳輿輦尚舍奉御設解劍  
席典儀設文武官介公鄴公諸州朝集使諸親位諸方  
客位於殿前奉禮設文武官介公鄴公諸親位諸州朝  
集使位諸方客位於門外設諸州進表案於右延明門  
外設祥瑞案於左延明門外設諸州貢物於太極門東  
西廂宋正至大朝會前期有司設御座於大慶殿東西

房于御座之左右少北東西閣於殿後百官宗室客使  
次於朝堂之内外五輅先陳于庭兵部設黃麾仗于殿  
之内外太樂令展宮架之樂於橫街南鼓吹令分置十  
二架於宮架外設協律郎二人位於殿上及宮架西北俱  
東向陳輦輦御馬于龍墀繖扇於沙墀典儀設文武大  
小百官位於丹墀南之東西設契丹使位于龍墀上又  
設夏國使高麗使位於宮架之東西元朝賀殿上設漏  
案香案酒海殿門外中道設褥位丹陛中道設鳴鞭丹

墀中道設香案又設表案禮物案中道南東西設樂位  
設內黃麾立仗設外牙門立仗國朝陳設見于儀注圖  
本

贊詞

漢武帝正旦朝賀二千石以上上殿稱萬歲後漢同晉  
正旦謁者奏蕃王臣某等奉觴再拜上千萬歲壽百官  
伏稱萬歲隋正旦冬至羣官上壽酒三稱萬歲唐正旦  
皇太子稱賀曰元正首祚景福惟新伏惟陛下與天同

休冬至稱賀曰天正長至伏惟陛下如日之升羣臣稱賀曰元正首祚景福惟新伏惟具尊號陛下與天同休宣答云履新之慶與公等同之千秋節侍中奉稱曰千秋令節臣等不勝大慶宣答云得卿等壽酒與卿等內外同慶宋正旦羣臣贊詞云元正啓祚萬物咸新伏惟皇帝陛下膺乾納祐與天同休宣答云履新之慶與公等同之冬至稱賀云晷運推移日南長至伏惟陛下與天同休宣答云履長之慶與公等同之國朝正旦皇太

子朝賀贊詞云長子某茲遇履端之節謹率諸弟某等  
欽詣父皇陛下稱賀宣答云履端之慶與長子等同之  
羣臣贊詞云茲遇三陽開泰萬象惟新欽惟皇帝陛下  
膺乾納祐奉天永昌宣答云履端之慶與卿等同之冬  
至皇太子朝賀贊詞云長子某茲遇履長之節謹率諸  
弟某等欽詣父皇陛下稱賀宣答云履長之慶與長子  
等同之羣臣朝賀贊詞云律應黃鍾日當長至欽惟皇  
帝陛下應乾納祐奉天永昌宣答云履長之慶與卿等

同之

賀表

章表之名起於漢至隋正旦及冬至朝賀有司奉上諸  
州表此正至始有表賀之禮也唐元日在外諸州府軍  
監長吏及諸道節度觀察防禦團練等使並奉表賀至  
日中書令詣御前跪奏之冬至在外亦無進表之禮宋  
制正旦冬至不受朝則宰臣率文武羣官詣東上閤門  
拜表太宗承天節不受朝羣臣詣閣拜表獻壽若受朝



則奏諸方鎮表而已元正旦聖節在內省院臺長官進表稱賀在外行中書省亦然其所屬五品以上第進所屬上司類進都省各萬戶府進樞密院廉訪司進御史臺亦類進焉國朝正旦冬至聖節各行中書省及直隸府州上表賀其行省所屬府州則進於行省類進中書省朝賀之日宣表官取行省或方鎮大臣高品者一表跪宣於御座前在內宰執既具祝贊之詞不復表賀其寫表儀式表文起首具官臣某等誠懼誠忤稽首頓首

上言

云云

中賀臣某等誠懼誠忤稽首頓首欽惟皇帝

陛下

云云

末後臣等無任瞻天仰聖激切屏營之至謹

奉表稱賀以聞臣某等誠懼誠忤稽首頓首謹言表文

後具年月日具官臣某等謹上表

以上並用小字真書其署名如小端謹表

文前上面貼黃帖一方如印大帖下用印黃帖上所書如正旦寫進賀正旦表文冬至寫進賀冬至表文聖壽

寫進賀聖壽表文謝恩寫進上謝封皮上用黃帖如正恩表文末後年月日上亦用印

賀正旦表文冬至寫進賀冬至表文聖壽寫進賀聖壽表文謝恩寫進上謝恩表文黃帖下用印印下寫具官

臣某上進謹封於上進副本用手本小字真書後年祇謹封字上用印齊於下

匣用木飾以金龍鎖鑰全黃羅夾袂二條上銷金龍文小者裹表於匣內大者裹於匣外仍用毬片油絹袂

裹重

### 禮物

古之朝會臣下有贊見之禮周制諸侯朝天子奉束帛加璧唯國所有以為庭實或馬或虎豹皮龜金丹漆絲續竹箭分為三享漢武帝正旦朝賀公侯執璧二千石執羔六百石執鴈晉武帝有受贊郎正旦朝賀蕃王等奉白璧各一太尉二千石等奉璧皮帛羔鴈雉以為賀

禮畢以贊授受贊郎郎以璧帛付謁者以羔鴈雉付太常梁元會王公以下奉珪璧以為贊禮畢以付主客郎唐開元間正旦朝賀戶部以諸州貢物陳於太極門東西廂禮部以諸蕃貢物取可執者蕃客手執入就內位其重大者則陳於朝堂之前禮畢並以貢物付有司宋正旦朝賀戶部以諸州貢物禮部以諸蕃貢物各陳於宮懸之南元正旦進賀禮物太師府馬一匹中書省馬二十七匹納失失九匹金段子四十五匹金香爐香合

一副樞密院馬九匹御史臺馬三匹徽政院馬九匹宗  
正府宣政院各馬二匹宣徽通政集賢翰林國史等院  
大司農留守拱衛司及都護府各馬一匹太常寺太史  
院秘書監各羅九匹

鳴鞭

周官條狼氏掌執鞭以趨辟王出入則八人夾道又朝  
士掌帥其屬以鞭呼趨且辟禁慢期錯立族談者晉中  
朝大駕有執鞭之制又事物紀原云唐有鳴鞭蓋本乎

周事也宋大慶殿正旦冬至朝會乘輿出殿上捲簾殿下鳴鞭奏外辦殿上鳴鞭扇開殿下鳴鞭扇合簾下鳴鞭元正旦朝會設鳴鞭位於殿前丹陛中道乘輿陞輦鳴鞭三陞御榻鳴鞭三宴畢鳴鞭三其鞭之制綠柄鞭以梅紅絲為之梢用黃茸而漬以蠟國朝正旦冬至聖節朝會及蕃使來朝設鳴鞭四人於奉天殿丹陛上北向立百官入旁折位皇帝出謹身殿鳴鞭三皇帝陞奉天殿鳴鞭三朝畢皇帝還宮鳴鞭三常朝皇帝陞殿鳴

鞭三朝畢鳴鞭三

鷄唱

周官雞人大賓客會同則夜嘒音呼旦以詔音叫百官蓋雞

知時之物故象之以告行事之期也唐大朝會則雞人

服絳幘唱籌以報時宋置挈壺正掌司辰刻其法每一

時為八刻二十分每一刻擊鼓八鼓後進時牌餘二

十分為雞唱唱絕擊一十五鼓為時正他辰並同唯午

時擊八鼓後雞唱唱絕擊百五十鼓為午時正凡大宴

會則設司天雞唱樓於殿側以掌報時元正旦聖節大朝會設司辰郎二人一人立左樓上服朱衣候時北面而雞唱一人立樓下服綠衣候時捧牙牌趨丹墀跪報露堦之下其鷄唱之詞天欲曙淡銀河耿珠露平旦寅闕鳳闕集朝紳日出卯伏羣陰光四表食時辰思政治味忘珍禺中已聽政餘玩經史日南午散離明同率土日昃未慮萬機猶抑畏晡時申入宴息靜怡神日入酉衛皇圖固扃守日已暮列周廬嚴拱戶甲夜已祭星躔



皆順軌乙夜庚齊七政審璣衡丙夜辛夢上帝賚良臣  
丁夜壬銀箭緩九重深戊夜癸復求衣思治理晝辭十  
章夜辭五章國朝與元制同

### 宴會

古者諸侯朝正于王王有燕樂之禮鹿鳴燕羣臣嘉賓  
則又成周之盛事也自漢以降遇節慶朝賀必舉大會  
高帝十月朝諸侯羣臣置酒行九觴禮武帝十月朔享  
會二千石以上舉觴御食前司空奉羹大司農奉飯百

官受賜宴享大作樂後漢正月德陽殿大朝宗室公卿大夫百官蠻貊胡羌雜會萬人賜酒食庭作魚龍變化等戲魏武帝正會文昌殿用漢儀東晉正會皇太子在三恪下三公上宋皇太子在三恪之上齊因之梁正會皇太子劍履升座會訖先興隋朝會皇太子坐於御座東南西向唐文官三品以上座於御座之東南西向介公鄼公座於御座西南東向武官三品以下於介公鄼公之後朝集使東南方者座於文官三品之後西北方

者於武官三品之後俱重行每等異位以北為上樂用  
登歌二舞或間用九部伎樂上公上壽行羣官酒十二  
遍禮畢宋大宴會有司預於殿庭設山樓排塲為郡仙  
隊仗六蕃進貢九龍五鳳之狀設司天雞唱樓於側殿  
陳錦繡幃帟設香毬文茵宰相使相三師三公叅知政  
事東宮三師僕射學士大夫中丞三少尚書常侍賓客  
太常宗正卿丞郎給事諫舍節度兩使留後觀察防禦  
團練刺史上將軍統軍都指揮使坐於殿上文武四品

以上知雜御史郎中郎將禁軍都虞候坐於朵殿餘升  
朝官諸軍副都頭以上諸蕃進奉使諸道進奉軍將分  
座於兩廊宰相使相座以繡整叅知政事以下用二蒲  
整加罰毯軍都指揮以上用一蒲整自朵樓而下皆緋  
緣氈條席殿上器以金餘以銀宰相升殿進酒各就座  
酒九行宴訖舞蹈拜謝而出元正旦聖節皇太子坐於  
東南西面在宗室三公之上宗王勲臣皆服質孫各依  
元定功臣位序坐於殿上東西相向丞相樞密使御史

大夫坐於諸王勲臣之後西坐東向自餘文武三品以  
上升殿立飲而退上壽行唱盞禮樂用大樂鼓吹及諸  
舞隊酒行無算兼用馬湏國朝正旦冬至聖節宴會於  
謹身殿御座東偏設皇太子西向座次諸王座其西偏設  
諸王座東向與東偏諸王相對殿中左右第一行文武  
官一品二品坐餘坐於左右第二行右第三行及後行  
並坐三品以上武官左第三行及後行並坐三品以上  
文官西無坐四品以下武官東無坐四品以下文官會

之時拱衛司於殿庭設黃麾仗及擎執如奉天殿之儀  
和聲郎列樂於殿上之南間作大樂細樂酒七行食開遍  
凡行酒初行奏大樂作太清曲次行細樂奏感皇恩曲  
三行細樂奏賀聖朝曲四行細樂奏普天樂曲五行舞  
諸國來朝隊六行細樂奏朝天子曲七行舞長生隊細  
樂奏醉太平曲凡進食則作大樂宴畢皇帝皇太子諸  
王還宮百官以次出

正旦朝賀儀注

冬至儀注同但改用贊詞並宣答

前期內使監官陳御座香案于奉天殿設皇太子親王  
次于文樓其丹墀中侍儀司設表案於內道之西北文  
官起居位於文樓之南西向武官起居位於武樓之南  
東向文官一品二品拜位于內道上之東每等異位重  
行北向西上武官一品二品拜位于內道上之西每等  
異位重行北向東上文官三品四品以下拜位皆列於  
內道之下每等異位重行北面西上武官拜位於內道  
之下每等異位重行北面東上使者位於文官拜位之

東北面西上善世玄教僧道位於文官四品之東使客位之北殿前班諸執事起居位於武官起居位之北東向侍從班諸執事起居位於文官起居位之北西向捧表官宣表官宣表目官展表官位於表案之西東向糾儀御史二人位於表案之南東西相向宿衛鎮撫二人於東西陛下東西相向護衛百戶二十四人位於宿衛鎮撫之南稍後東西相向典牧所官二人位於乘馬之前東西相向司辰郎報時位於內道之中文武官拜位



之北知班二人位於文武官拜位之北東西相向通贊  
贊禮二人位於知班之北東西相向通贊在西贊禮在  
東引文武班四人位於文武官拜位之北稍後東西相  
向引殿前班二人位於引武班之南引使者二人位於  
引文班之南舉表案二人位於引武班之北舉殿上表  
案二人位於西陞之下東向其丹陞上設皇太子親王  
拜位於陞上正中殿前班指揮司官三員侍立位於  
陞上之西東向光祿寺官三員侍立位於陞上之東西

向儀鸞司官位於殿中門之左右東西相向護衛千戶  
八人位於殿東西門之左右東西相向典儀二人位於  
陛上之南東西相向鳴鞭四人位列於殿前班之南北  
向將軍六人於殿門之左右各東西相向天武將軍四  
人位於陛上之四隅各東西相向其奉天殿上尚寶司  
設寶案於正中設表案於寶案之南皇太子親王位於  
寶案之南文官侍從班起居注給事中殿中侍御史尚  
寶御位於殿上之東西向武官侍從班懸刀指揮位於

殿上之西東向受表兼受表目官位於文官侍從班之  
南西向內贊二人位於受表官之南東西相向捲簾將  
軍二人位於簾前東西相向是日侵晨金吾衛陳設甲  
士於午門外之東西擊鼓位於門外之中道列旗仗於  
奉天門外之東西拱衛司於皇太子親王位設拜褥陳  
儀仗於丹陛上及丹墀之東西陳五輅於丹墀之南北  
向典牧所陳仗馬於文武樓南東西相向虎豹於奉天  
門外東西和聲郎陳樂於丹墀文武官拜位之南侍儀

司舍人二人舉表案入就殿上位舍人二人以表函置  
于案舉入丹墀位擊鼓初嚴催班舍人各請文武百官  
具朝服擊鼓次嚴引班引文武百官各依品從齊班於  
午門外以北為上東西相向通班贊禮知班典儀內贊  
宿衛鎮撫護衛鳴鞭殿內外將軍俱入就位引班引殿  
前班指揮光祿卿糾儀官捧表官宣表官宣表目官展  
表官受表官各偃罷序立於起居位東西相向諸侍衛官各  
服其器服及尚寶卿侍從官入詣謹身殿候迎擊鼓三

嚴引班引文官由午門東畔金水橋東奉天東門入  
就起居位武官由午門西畔金水橋西奉天西門入就  
起居位引僧道使客隨文班入立於文班之後立定侍  
儀奏外辦御用監令奏請皇帝服袞冕御輿以出尚寶  
御捧寶及侍儀侍衛導從警蹕如常儀皇帝將出仗動  
大樂鼓次振作樂止陞御座將軍捲簾尚寶卿以寶置于案拱  
衛司官由殿西門出降自西階引班引入起居位立定  
通班唱某銜指揮使臣某以下起居贊禮唱鞠躬平身

訖引班引至丹墀拜位北面立贊禮唱鞠躬樂作拜興

拜興平身

樂止

贊禮唱指揮使稍前指揮前立定贊禮

唱鞠躬指揮使及以下皆鞠躬唱聖躬萬福唱平身復

位指揮使復位贊禮唱鞠躬

樂作

拜興拜興平身

樂止

通班唱各恭事殿前班侍從班及諸執事各就本位引

進引皇太子具袞服與親王俱由奉天東門入樂作陞

自東階至丹陛拜位

樂止

引進贊鞠躬

樂作

拜興拜興

拜興拜興平身

樂止

引進導皇太子親王詣奉天殿東

門入

樂作

引進立伺於門外內贊接引皇太子親王至

御座前行禮位

樂止

內贊唱跪皇太子親王皆跪皇太

子稱賀云長子某茲遇履端之節

冬至則云履長之節

謹率諸弟

某等欽詣父皇陛下稱賀制曰履端之慶

冬至則云履長之慶

與

長子等同之聽制畢內贊唱俯伏興平身皇太子親王

皆俯伏興平身內贊引皇太子親王由東門出

樂作

引

進引復丹陛拜位

樂止

引進唱鞠躬

樂作

拜興拜興拜

興拜興平身

樂止

引進引皇太子親王降自東階

樂作

至

文樓

樂止

司辰再報時訖通班具丞相銜臣某以下起

居引班唱鞠躬平身引班引文武百官入丹墀拜位北

面立初行

樂作

至位

樂止

知班唱班齊贊禮唱鞠躬

樂

作

拜興拜興拜興拜興平身

樂止

引班引丞相詣西階

陞引班立候於階下捧表官詣案前措笏捧表及宣表

官宣表目官展表官以次從丞相行

樂作

至殿西門

樂

止

捧表官宣表官宣表目官展表官立於殿西門外內

贊接引丞相至御座前內贊唱跪丞相跪贊禮唱衆官



皆跪丞相跪奏具官臣某等茲遇三陽開泰萬象維新

冬至

則云律應黃鍾日當長至

欽惟皇帝陛下膺乾納祐奉天永昌賀訖內

贊唱俯伏興平身丞相俯伏興平身贊禮唱俯伏興平身衆官皆俯伏興平身內贊引丞相出殿西門

樂作

丞相降

自西階引班引復位

樂止

捧表官宣表官宣表目官展表官

由殿西門入內贊唱進表捧表官捧表跪進於案前受表官搢笏跪于案東受表及表目置於案出笏興退復位捧表官出笏興退立于殿內之西東向內贊唱宣表宣表目

官詣案前搢笏取表目跪宣于殿內之西展表官搢笏同  
跪展宣畢展表官出笏復位宣表目官俯伏興以表目復  
于案出笏退復位宣表官詣案前搢笏取表跪宣於殿內  
之西展表官搢笏同跪展宣訖展表官出笏一人以表復置  
于案俱退立于位宣表官俯伏興同捧表官宣表目官展  
表官以次出殿西門降自西階各還本位贊禮唱鞠躬樂  
作拜興拜興拜興拜興平身樂止給事中詣御座前跪承  
制由殿中門出至丹陛上東南西向稱有制贊禮唱跪百

官皆跪給事中宣云皇帝制曰履端之慶

冬至則云履長之慶

與

卿等同之宣訖給事中由西門入跪奏承制畢俯伏興

還侍位贊禮唱俯伏興平身贊禮唱搢笏鞠躬三舞蹈

唱跪唱山呼各官拱手加額曰萬歲贊禮又唱山呼各

官又拱手加額曰萬歲贊禮又唱再山呼各官又拱手

加額曰萬萬歲

凡呼萬歲樂工軍校齊聲擊鼓應呼之

出笏俯伏興

樂作

拜興拜興拜興拜興平身

樂止

侍儀前跪奏禮畢鳴鞭

皇帝興

樂作

警蹕侍從導引至謹身殿

樂止

舍人各舉

表案出引班引丞相以下文武百官以序出

聖節儀注

前期內使監官陳御座香案於奉天殿設皇太子親王次於文樓其丹墀中侍儀司設表案於內道之西北文官起居位設於文樓之南西向武官起居位於武樓之南東向文官一品二品拜位於內道上之東每等異位重行北向西上武官一品二品拜位於內道上之西每等異位重行北向東上文官三品以下拜位於內道下

之東每等異位重行北面西上武官三品以下拜位於  
內道下之西每等異位重行北面東上善世玄教僧道  
拜位於文官四品之東使客位北使者位驗品在文官  
拜位之東北面西上殿前班諸執事起居位於武官起  
居位之北東向侍從班諸執事起居位於文官起居位  
之北西向捧表官宣表官宣表目官展表官位於表案  
之西東向糾儀御史二人位於表案之南東西相向宿  
衛鎮撫二人於東西陛下東西相向護衛百戶二十四

人位於宿衛鎮撫之南稍後東西相向典牧所官二人  
位於乘馬之前東西相向司辰郎報時位於內道之中  
文武官拜位之北知班二人位於文武官拜位之北東  
西相向通贊贊禮二人位於知班之北東西相向通贊  
在西贊禮在東引文武班四人位於文武官拜位之北  
稍後東西相向引殿前班二人位於引武班之南引使  
者二人位於引文班之南舉表案二人位於引武班之  
北舉殿上表案二人位於西陞之下東向其丹陞上侍

儀司設皇太子親王拜位於丹陛上正中殿前班指揮  
司官三員侍立位於陛上之西東向光祿寺官三員位  
於陛上之東西向拱衛司官位於殿中門之左右東西  
相向護衛千戶八人位於殿東西門之左右東西相向  
典儀二人位於陛上之南東西相向鳴鞭四人位列於  
殿前班之南北向將軍六人於殿門之左右各東西相  
向天武將軍四人位於陛上之四隅各東西相向其奉  
天殿上尚寶司設寶案于正中侍儀司設表案於寶案

之南皇太子親王於表案之南文官侍從班起居注給事中殿中侍御史尚寶卿位於殿上之東西向武官侍從班懸刀指揮位於殿上之西東向受表兼受表目官位於文官侍從班之南西向內贊二人位於受表官之南東西相向捲簾將軍二人位於簾前東西相向是日侵晨金吾衛陳設甲士於午門外之西丹陛上設皇太子親王拜褥陳儀仗於丹陛上及丹墀之東西擊鼓位於午門外中道列旗仗於奉天門外之東西拱衛司陳五



輅於丹墀之南北向典牧所官陳仗馬於文武樓南東  
西相向虎豹於奉天門外之東西和聲郎陳樂於丹墀  
文武官拜位之南侍儀司舍人二人舉表案入就殿上  
位舍人二人以表函置於案舉入丹墀位擊鼓初嚴催  
班舍人各請文武百官具朝服擊鼓次嚴引班引文武  
百官齊班於午門外以北為上東西相向通班贊禮知  
班典儀內贊宿衛鎮撫護衛鳴鞭殿內外將軍俱入就位  
引班引殿前班指揮光祿卿糾儀官捧表官宣表官宣

表目官展表官受表官各依品從序立於起居位東西  
相向諸侍衛官各服器服及尚寶卿侍從官入詣謹身  
殿候迎擊鼓三嚴引班引文官由午門東偏門東畔金  
水東橋奉天東門入起居位武官由午門西偏門西畔  
金水西橋奉天西門入起居位引僧道使客入立於文  
班之後侍儀奏外辦御用監令奏請皇帝服袞冕御輿  
以出尚寶卿捧寶及侍衛導從警蹕如常儀皇帝將出  
仗動

大樂鼓吹振作

陞御座

樂止

將軍捲簾尚寶卿以寶置於

案拱衛司鳴鞭司晨報時鷄唱訖諸侍從官由殿西門  
出降自西階引班引入起就位立定通班唱某銜指揮  
使臣某以下起居贊禮唱鞠躬平身引班引至丹墀拜  
位北面立贊禮唱鞠躬拜興拜興平身初鞠躬樂作平  
身樂止贊禮唱指揮使稍前鞠躬指揮使稍前及以下  
皆鞠躬贊禮唱聖躬萬福平身復位唱鞠躬拜興拜興  
平身初鞠躬樂作平身樂止通班唱各恭事殿前班侍  
從班及諸執事官皆就本位引進引皇太子親王自奉

天門東門入

樂作

陞自東階至丹陛拜位

樂止

引進唱

鞠躬拜興拜興拜興拜興平身初鞠躬

樂作

平身樂止

引進引皇太子親王由奉天殿東門入引進立於門外

內贊接引皇太子親王至御座前行禮位

初行樂作至位樂止

內贊

唱跪皇太子親王皆跪皇太子稱賀云長子某欽遇父

皇陛下聖誕之辰謹率諸弟某等敬祝萬歲壽賀訖內

贊唱俯伏興平身皇太子親王皆俯伏興平身內贊引

皇太子親王以次由殿東門出

樂作

引進引復位丹陛

拜位立定

樂止

引進唱鞠躬拜興拜興拜興拜興平身

皇太子親王以次降自東階

樂作

至文樓

樂止

司辰再

報時訖通班具丞相銜臣某以下起居引班唱鞠躬平

身引班引入丹墀拜位

初行樂作至位樂止

知班唱班齊贊禮唱

鞠躬

樂作

拜興拜興拜興拜興平身

樂止

引班引丞相詣

西階陞

樂作

至殿西門

樂止

引班立候於階下捧表官

詣案前捧表及宣表官宣表目官展表官立於殿西門外

內贊接引丞相至御座前內贊唱跪通贊唱衆官皆跪

丞相奏稱具官臣某欽遇皇帝陛下聖誕之辰謹率文武官僚敬祝萬歲壽賀訖內贊唱俯伏興平身贊禮唱衆官皆俯伏興平身初俯伏樂作平身樂止內贊引丞相由殿西門出降至西階引班引復位丞相初出殿西門樂作復位樂止捧表等官由殿西門入內贊唱進表捧表官跪進受表官跪于案東受表置於案退復位捧表官興退於殿西內贊唱宣表宣表目官詣案前取表目及表跪宣于御座之西展表官同跪展宣表目訖展

表目官一人以表目復于案退立于西宣表目官俯伏

興宣表官宣于御座之西展表官跪同展宣訖展表一

人以表復于案宣表官俯伏興同捧表展表官以次出

還本位贊禮唱鞠躬樂作拜興拜興拜興拜興平身樂

止贊禮唱搢笏鞠躬三舞蹈唱跪唱山呼各官拱手加

額曰萬歲又唱山呼各官拱手加額曰萬歲贊禮再唱

山呼各官又拱手加額曰萬萬歲凡呼萬歲樂工軍校應聲呼之出笏

俯伏興拜興拜興拜興平身初俯伏樂作平身樂止

侍儀奏禮畢鳴鞭皇帝興

樂作

警蹕侍從導引至謹身殿

樂止

舍人舉表案出引班各引文武百官以次出

### 宴會儀注

奉天殿大朝賀畢錫宴于謹身殿拱衛司於殿廷左右設黃麾仗及擎執如奉天殿受朝之儀內使監光祿寺陳設御座又設皇太子座於御座東偏西向稍南設諸王座以次而南皆西向又於御座西偏設諸王座與東偏諸王相對以次而南皆東向殿內左右第一行第二



行設文武一品二品官座以北為上東西相向左第三  
行及後行設三品文官座以北為上皆西向右第三行  
及後行設三品武官座以北為上皆東向又於東廡下  
設四品以下至九品文官座以北為上西廡下設四品  
以下至九品武官座以北為上和聲郎於殿之南楹陳  
大樂細樂及諸舞隊光祿寺設御酒樽於殿之南楹皇  
太子親王文武三品以上官酒樽於殿門左右御位司  
壺二人尚酒尚食二人東偏皇太子親王司壺一人奉

酒奉食二人西偏親王司壺一人奉酒奉食二人文武  
官左右第一行各司壺四人兼供酒供食文武官左右  
第二行各司壺四人兼供酒供食文武官左右第三行  
及後行各行用司壺四人兼供酒供食東西廡各間光  
祿寺置酒罇司壺一人供酒供食二人光祿寺陳御食  
案及皇太子親王食案於殿中殿上左右文武官食案  
東西廡文武官食案各設於本位前將宴諸執事各供  
事舍人引文武百官常服侍立於殿門之左右引進引

皇太子親王常服侍立於殿內之左右侍儀導引皇帝  
常服陞御座鼓吹振作鳴鞭樂止皇太子親王各就座  
位丞相率禮部尚書光祿卿舉御食案進于御前禮部  
侍郎光祿少卿舉食案各進于皇太子親王之前丞相  
捧壽花進於御前禮部尚書工部尚書分進壽花於皇  
太子親王之前文武百官各就座位禮部工部官及諸  
執事人分進壽花於文武百官訖內使監令於御前斟  
酒次司壺於皇太子親王及文武百官前各斟酒

細樂

作和聲郎北面立舉手唱上酒飲畢

樂止內使監令於

御前進食供食者於皇太子親王文武百官前各供食

大樂作

和聲郎北面舉手唱上食食畢

樂止凡酒七行

間進食五次上酒上食樂作樂止並如上儀惟酒第五行及七行雜呈諸隊舞宴畢皇帝興

大樂作皇太子親

王侍從還宮

樂止

文武百官以次出

午門開讀赦書儀注

開詔同

前期翰林院官承旨草赦奏聞訖前一日禮部告百官

於皇城守宿至日鳴鍾後具朝服行禮內便監設御座  
香案於奉天殿尚寶司設寶案於御座之南用寶案於  
赦書案之東侍儀司設宣讀案于午門外之東西向龍  
亭香案於北正中百官拜位于香案之南文官位於道  
上之東每等異位重行以西為上武官位於道上之西  
每等異位重行以東為上知班二人位於文武官拜位  
之北東西相向贊禮通贊二人位於知班之北通贊在  
西贊禮在東相向宣讀官位於宣讀案之北西向展讀

官二人位於宣讀官之南西向樂工設樂於丹墀中之南及文武官拜位之南俱北向將軍二人位於殿上簾前東西相向將軍六人位於奉天殿門之左右分東西相向又將軍六人位於奉天門之左右東西相向是日金吾衛於午門外陳設甲士軍仗東西相向拱衛司設儀仗於丹陛之東西和聲郎陳樂於丹陛之南及金水橋伺候迎引金吾衛擊鼓初嚴禮部官捧赦書入置於寶案上舍人催百官具朝服執事者各入就位導駕官

侍從官入迎車駕擊鼓次嚴引班舍人引文武百官各

序立於宣讀案之南東西相向擊鼓三嚴引班引百官

就拜位侍儀奏外辦上位具皮弁服陞御座

大樂作捲

簾鳴鞭訖

樂止

禮部官捧赦書於用寶案前尚寶跪奏赦

書用寶興開讀用訖禮部官同中書省左丞用黃銷金

袂眾赦書禮部官奏捧赦于午門外開讀興左丞又以

黃袂承赦捧由殿中門出

大樂作

拱衛司擎黃蓋遮護

降自中階由奉天中門出金水橋

樂作

前迎出午門外

禮部官接赦書置于龍亭大樂陳於文武官拜位後

樂

止知班唱班齊贊禮唱鞠躬

樂作

拜興拜興拜興拜興

平身

樂止

通贊唱宣讀宣讀官展讀官陞案禮部官捧

赦書授宣讀官宣讀官跪受赦書贊禮唱衆官皆跪展

讀官對展宣讀官宣讀訖以赦書授禮部官禮部官捧

赦書置于龍亭贊禮唱俯伏興

樂作

拜興拜興拜興拜

興平身

樂止

贊禮唱搢笏鞠躬三舞蹈唱跪唱山呼各

官拱手加額曰萬歲贊禮又唱山呼各官拱手加額曰



萬歲贊禮又唱再山呼各官拱手加額曰萬萬歲

凡呼萬歲

樂工軍校擊鼓應聲呼之

出笏俯伏興

樂作

拜興拜興拜興拜興平

身樂止禮畢引進入報侍儀奏禮畢上位興

樂作鳴鞭

還宮

樂止

百官仍具公服送赦書至中書省頒授使者

行

### 諸王來朝儀注

前期內使監官陳御座香案於奉天殿中如常儀設諸王次于奉天門東耳房內尚寶司設寶案于御座前侍

儀司設諸王拜位於丹陛上及御座前王府官拜位於丹墀南內道上之東西文官依品從侍立位於文樓之北西向北上武官依品從侍立位於武樓之北東向北上殿前班指揮司官三員位于陛上東向光祿司官三員位于陛上西向侍從班起居注殿中侍御史侍儀使尚寶卿位于殿上西向指揮司懸刀武官位于殿上東向拱衛司官位于奉天殿門之左右東西相向典牧所官位於仗馬之前東西相向宿衛鎮撫位于丹陛東西

階下東西相向護衛百戶二十四員於宿衛鎮撫之南  
稍後東西相向護衛千戶八員於殿東西門之左右東  
西相向贊禮二人位於陞上王拜位之北東西相向內  
贊二人位於殿上東西相向典儀二人位於丹陞上之  
南東西相向知班二人位於王府官拜位之北東西相  
向承傳二人位於知班之北東西相向鳴鞭四人位於  
丹陞上之南北向天武將軍四人位於丹陞上之四隅東  
西相向將軍二人於殿上簾前東西相向將軍六人於

奉天殿門之左右東西相向將軍六人於奉天殿門之  
左右東西相向是日金吾衛陳設甲士於午門外之東西  
列旗仗於奉天門外之東西拱衛司陳儀仗於丹陛上  
及丹墀之東西陳五輅於丹陛之南典牧所陳仗馬於  
文武樓之南東西相向陳虎豹於奉天門外和聲郎陳  
樂於丹墀王府官拜位之南擊鼓初嚴催班舍人催文  
武官各具公服擊鼓次嚴引班引文武百官依品從齊  
班於午門外以北為上東西相向殿前班指揮光祿卿

各依品從序立於侍立位通班贊禮典儀內贊宿衛鎮撫護衛鳴鞭殿內外將軍各執事人俱入就位諸侍衛官各服其器服及尚寶卿侍從官入詣謹身殿奉迎擊鼓三嚴引班引文官由午門西門東畔金水東橋奉天東門入就侍立位武官由午門西門西畔金水西橋奉天西門入就侍立位侍儀版奏外辦御用監令奏請服皮弁服上位御輿以出尚寶卿捧寶及侍儀侍衛導從警蹕並如常儀皇帝將出仗動

大樂鼓吹振作

陞御座

樂止將

軍機處尚書卿以寶置于案拱衛司鳴鞭司辰郎報時  
雞唱訖引禮引王具衮冕由東門入東陞陞丹陞位引

禮引王府官入就丹墀位立定贊禮唱鞠躬樂作拜興

拜興拜興拜興平身承傳唱鞠躬拜興拜興拜興

平身樂止引禮引王詣奉天殿東門入樂作引禮立伺

于門外內贊接引王至御座前行禮位樂止內贊唱跪

王與王府官皆跪王稱第幾子某王某茲遇孟春四時

隨時

改入覲欽詣父皇陛下朝拜內贊唱俯伏興平身承傳

唱俯伏與平身王與王府官皆俯伏與平身內贊引王

由東門出

樂作

引禮引復丹陛拜位

樂止

贊禮唱鞠躬

樂作

拜興拜興拜興拜興平身承傳唱鞠躬拜興拜興

拜興拜興平身王與王府官皆鞠躬拜興拜興拜興拜

興平身

樂止

贊禮贊禮畢侍儀奏禮畢上位興

樂作

警

蹕侍從導引至謹身殿引禮導王出

樂止

引班引王府

官及百官以次出









丹陛上版位

明集禮卷十七 四十八

樂工 興儀

樂工 興儀

天武將軍

天武將軍

鳴鞭

鳴鞭

鳴鞭

鳴鞭

天武將軍

天武將軍

樂工 興儀

樂工 興儀

皇太子位  
諸王位

儀衛司官

儀衛司官

將軍

將軍

將軍

將軍

將軍

將軍


護衛 護衛 護衛 護衛

護衛 護衛 護衛 護衛

門 門 門

殿上版位圖

明集禮卷十七 四十九



奉天殿常朝侍立圖

明集禮卷十七 五十

九	品	八	品
七	品	六	品
五	品	四	品
三	品		品
二			品
一			品

侍從文官

魯王  
潯王  
楚王  
燕王  
秦王  
皇太子

御座

靖王  
趙王  
秦王  
晉王  
皇太子

侍從武官

九	品	八	品
七	品	六	品
五	品	四	品
三	品		品
二			品
一			品



丹陛上版位

明集禮卷十七 五十二

樂工部

樂工部

天武將軍

鳴鞭

鳴鞭

王升位

引禮

引禮

天武將軍

儀司官

儀司官

天武將軍

衛衛衛衛衛衛

衛衛衛衛衛衛

將軍

將軍

將軍

將軍

將軍

將軍

鳴鞭

鳴鞭

天武將軍

門 門 門

殿上版位

明集禮卷十七 五十三

內贊

王拜位

內贊

案贊

起居注給事中侍御史侍從班

內侍陪立位

御座

內侍侍立位

指揮以下武官廳外侍從班



謹身殿宴會次序

明集禮卷十七 五十四

文官四品以下依品從東座重行南北相向

文官四品從東座重行南

文官四品從東座重行南

皇諸諸  
太王王  
子

御座

王王  
驛驛

武官四品從東座重行南

武官四品從東座重行南

西廡

武官四品以下依品從東座重行南北相向

欽定四庫全書

史部

明集禮卷十九

詳校官監察御史<sub>臣</sub>劉芬

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官中書<sub>臣</sub>李荃

謄錄監生<sub>臣</sub>謝大倫

欽定四庫全書

明集禮卷十八上

嘉禮二

中宮

總序

周禮命婦朝女君則中宮之有朝尚矣漢制自二千石夫人以上服垂衣以朝晉宋皆然唐永徽五年命婦朝於光順門其後以朝官命婦雜處朝賀詔停開元禮載

皇后正旦冬至受外命婦朝儀於肅章門外齊班然後  
入內殿行禮賀畢有會長慶以後則外命婦有邑號者  
正旦冬至詣光順門起居宋制皇親國戚之家及臣僚  
命婦遇節序慶賀許入內進奉而已其正旦冬至朝賀  
行禮之詳無聞焉元正旦命婦則以常服詣內殿行賀  
禮國朝正旦冬至皇后御坤寧殿內使監官引内外命  
婦各服其服入朝禮畢賜宴於後殿今具歷代儀物及  
國朝儀注用者于篇

## 中宮冠服

周制王后以禮見王及見賓客首服用編用笄服用展

衣

編者編列髮為之其儀象若今假髻笄玉為之所以卷髮展字當為禮禮亶也誠也其色則白

漢首

飾用假結步搖簪珥服用蜚服青上縹下為深衣之制  
唐首飾用大小花各十二樹兩博髻花鈿十二服用緯  
衣宋並同唐制冠加以九龍四鳳元用其本俗衣冠以  
臨朝賀國朝皇后臨朝叅用唐宋之制首飾以九龍四  
鳳大小花各十二樹并兩博髻寶鈿十二服用緯衣十二

等其制度圖本詳見冠服篇

皇妃冠服

昔者黃帝立四妃帝嚳亦立四妃而冠服之詳未聞焉  
周制天子正后之下三夫人次最貴蓋後世皇妃之位  
也內司服掌辨王后之六服鄭玄謂三夫人其闕翟以  
下乎然亦億度之說耳漢貴人首飾用大手髻黑瑇瑁  
加簪珥服蚤服青上縹下同深衣制唐首飾花九樹兩  
博髻飾以寶鈿服用翟衣宋首飾大小花各九株并兩

博髻加以九翬四鳳服用揄翟元用其本俗衣冠國朝  
皇妃叅用唐宋之制首飾九翬四鳳大花九樹小花如  
大花之數兩博髻飾以九寶鈿服用翟衣九章其制度  
具見冠服篇

皇太子妃冠服

皇太子妃冠服之制周以前無聞漢貴人首飾皆大手  
髻黑瑇瑁加簪珥其朝服皆用蚕服青上縹下同深衣  
制北齊首飾假髻步搖花釵九鈿服用揄翟隋首飾花

九樹服揄翟九章唐首飾大小花各九樹兩博髻飾用  
寶鈿服用揄翟九等宋同唐制元用其本俗衣冠國朝  
皇太子妃首飾加九翬四鳳大小花釵九樹兩博髻九  
鈿服用翟衣九等其制度圖本見冠服篇

諸王妃冠服

親王妃冠服之制周以前無所攷漢制大手髻黑瑇瑁  
加簪珥服蜚服純縹上下北齊假髻九鎮飾以金玉纁  
朱綬韋服珮同內命婦一品隋制王妃首飾花九樹服



擿翟繡為九章佩山玄玉獸頭擎囊綬同夫色唐制親  
王視一品則王妃同一品命婦之服首飾花釵九樹兩  
博鬢飾以寶鈿服翟衣九等佩綬同諸王宋同唐制元  
用其本俗衣冠國朝親王妃首飾九翬四鳳冠大小花  
釵九樹兩博鬢九鈿服用翟衣九等其制度圖本詳見  
冠服篇

### 公主冠服

公主冠服之制周制無攷漢制大手髻黑瑇瑁簪珥長

公主加步搖服。蚕服純縹，上下帶綬，以采組為緹帶。各如其綬色。黃金辟邪首，為帶鐫飾，以白珠。北齊假髻，九鎮飾以金玉。金章紫綬服，揄翟雙珮。山玄玉，隋制首飾。花九樹服，揄翟繡為九章佩。山玄玉獸頭擎囊綬，同夫色。唐制公主視一品命婦，兩博髻飾以寶鈿。翟九等花釵九樹，佩綬同諸王。宋同唐制，元用其本俗衣冠。國朝公主首飾九翬四鳳冠，大小花釵九樹，兩博髻九鈿服。用翟衣九等，其制度圖本詳見冠服篇。

命婦冠服

命婦朝服周制內司服辨外內命婦之服首飾副編次其服闕狄揄狄者用副服鞠衣展衣者用編服祿衣者用次鄭玄云外命婦孤之妻服鞠衣卿大夫之妻服展衣士之妻服祿衣公之妻其服闕狄以下乎侯伯之夫人揄狄子男之夫人亦闕狄其公妻以下之說不過億度而類推之漢制朝會公卿列侯二千石夫人首飾紺繒幘簪珥服用蚤衣唐首飾兩博鬢飾以寶鈿服用狄

衣一品花釵九樹狄九等二品花釵八樹狄八等三品  
花釵七樹狄七等四品花釵六樹狄六等五品花釵五  
樹狄五等寶鈿視花樹之數宋制一同於唐國朝命婦  
一品首飾花釵九樹兩博鬢九鈿服翟衣九等二品花  
釵八樹兩博鬢八鈿服翟衣八等三品花釵七樹兩博  
鬢七鈿服翟衣七等四品花釵六樹兩博鬢六鈿服翟  
衣六等五品花釵五樹兩博鬢五鈿服翟衣五等六品  
花釵四樹兩博鬢四鈿服翟衣四等七品花釵三樹兩

博鬢三鈿服翟衣三等以上翟衣之質依品從隨夫朝服之色其制度圖本詳見冠服篇

### 儀仗

中宮之尊配位宸極助理內教出則有鹵簿以奉引居則有儀仗以侍衛其前代記載儀仗間見於鹵簿中唐左右廂有黃麾仗廂各三行行列百人共六百人從內第一行短戟五色氅第二行戈五色氅第三行儀鎗五色幡又有偏扇團扇方扇各二十四團雉尾扇二大繖

四大孔雀扇八華錦蓋二小雉扇十二朱畫團扇十二  
錦曲蓋二十錦六柱八扇絳麾二並分左右黃麾一宋  
同唐制國朝中宮儀仗殿下左右麾幡繖扇等儀三十  
六殿前班劍瓜仗等儀四十四殿前擎執華蓋交椅等  
儀十四殿上擎執香鑪唾壺等儀六制度詳見儀仗篇

樂

古者后夫人有房中之樂歌周南召南而不用鐘磬所  
以諷誦以事其君子而朝會之樂未聞焉隋初皇后之

庭但設絲管大業以後始制鐘磬而猶不設鐃鐘唐制  
中宮用宮架二十虞其十二鐃鐘以十二大磬代之舞  
用八佾宋中宮朝會樂無所考見元朝會皇后乘輿同  
陛殿受賀國朝中宮受內外命婦朝賀宴會並奏大樂  
詳見樂書

陳設

古者命婦朝中宮必預為陳設於內外所以謹其禮也  
至唐則前二日本司宣攝內外各供其職前一日守宮

設外命婦次如常儀尚寢率其屬設御幄于皇后正殿  
北壁南向又設命婦為首者脫舄席於西階前近西東  
向司樂展宮懸之樂於殿庭設麾於殿上西階之西東  
向內僕設重翟以下于肅章門外道東西向司贊設命  
婦等版位於殿庭內謁者設外命婦等位於肅章門外  
設司贊位於東階東南西向設掌贊二人位於司贊之南  
差退俱西向諸衛勒所部屯門列仗陳布于肅章門外  
宋正旦受賀之儀未見記載國朝正旦冬至中宮壽誕



皇太子親王行禮內使監設皇后御座於坤寧宮正中  
於宮門外設皇太子幄次於東北設親王幄次于近南  
之東西設樂位于王宮門外設儀仗于丹墀及露臺上  
之東西設司贊二人位于露臺上之東西司賓二人位  
于司贊之南東西相向設內贊二人位于殿上之東西  
內外命婦行禮內使監仍設皇后御座於坤寧宮於宮  
門外設皇妃幄次於宮門西近北設皇太子妃及王妃  
公主幄次于門東設外命婦幄次于門外之東西近南

設皇妃皇太子妃王妃公主拜位于露臺上設司贊二人司賓二人位于露臺上東西相向內贊二人於殿上之東西設外命婦侍立位於殿庭之東西相向拜位於殿庭中北向司贊二人位于殿庭之東西司賓二人位于司贊之南東西相向內贊二人于殿上司言位于殿上之東

執事

中宮朝會必戒執事之人所以使之各供其職也唐正

旦冬至中宮受命婦朝有守宮掌命婦次尚寢掌御幄  
及命婦脫舄席司樂掌宮懸典樂掌舉麾內僕掌陳重  
翟車司贊掌版位諸位掌列仗內典引掌引禮尚儀掌  
奏中嚴外辦司寶掌奉琮寶司賓掌引班首行禮宋正  
旦冬至無受賀儀國朝受命婦賀殿庭執仗內使三十  
六人露臺上執仗內使四十四人殿上擎執女使六人  
內使監官掌設御座皇太子親王及內外命婦拜位侍  
立位司贊二人掌殿前拜禮內贊二人掌殿內拜禮司賓

二人掌引內命婦行禮二人掌引外命婦行禮司言一人掌宣旨樂工三十二人受皇太子親王朝陳設執事同前

班位

古者命婦各有品級以為尊卑之等其朝于中宮也則以其品級叙而為班次焉唐制公主及王妃以下為外命婦其品秩大長公主長公主並視正一品郡主視從一品縣主視正二品文武官一品及國公母妻為國夫

人三品以上母妻為郡夫人四品若勲官二品有封母妻為郡君五品若勲官三品有封母妻為縣君帶職者若勲官四品有封母妻為鄉君其母邑號皆加太字諸命婦朝參行立次第各准夫子同班者則母在上職事非五品以上者並不在參例其朝之日司贊設序立位於門外大長公主以下於道東太夫人以下於道西俱重行相向北上又設命婦位于殿庭太長公主以下在東以西為上太夫人以下在西以東為上諸親婦女宗

親在東以西為上異姓在西以東為上俱重行異位北  
向宋正旦冬至朝會之儀未見載記國朝正旦冬至及  
中宮壽誕日皇太子親王露臺上行禮皇太子位居中  
東次秦王燕王楚王潭王魯王西次晉王吳王齊王趙  
王次西近南靖江王皇妃行禮東貴妃次充妃次惠妃  
西寧妃次定妃次順妃皇太子妃王妃公主行禮皇太  
子妃居中王妃公主各以長幼分位于東西公主位亦  
各以長幼分于東西外命婦行禮依品從序班於殿庭

贊詞

唐正旦皇太子朝皇后稱賀曰元正首祚景福惟新伏  
惟殿下與天同休冬至云天正長至伏惟殿下如日之  
升正旦命婦朝皇后稱賀曰妾姓等言元正首祚景福  
惟新伏惟殿下與時同休宣荅云履新之慶夫人等同  
之冬至云妾姓等言天正長至伏惟殿下如日之升宣  
荅云履長之慶夫人等同之國朝正旦皇太子朝稱賀  
云長子某茲遇履端之節謹率諸弟某王某等恭詣母后殿

下稱賀冬至則云長子某茲遇履長之節謹率諸弟某等恭詣母后殿下稱賀壽旦則云茲遇母后殿下聖誕之辰謹率諸弟某等恭上千歲壽正旦皇妃稱賀云某妃妾某氏等茲遇履端之節恭詣皇后殿下稱賀冬至則云某妃妾某氏等茲遇履長之節恭詣皇后殿下稱賀壽旦則云某妃妾某氏等茲遇皇后殿下聖誕之辰恭上千歲壽其皇太子妃則稱長婦妾某等公主則稱長女某謹率諸妹某等命婦則稱某國夫人妾某氏等



贊詞同

賀箋

箋奏之名始于漢而其用不專於慶賀唐以來始與表對用以為賀上之文又以箋次於表而有等級之分蓋始于慶賀矣宋制遇大慶禮則文武百僚拜表稱賀乘輿訖然後移班拜箋稱賀中宮元每正旦在內省院臺長官進箋稱賀赴中政院收受在外行省亦然其所屬五品以上第進所屬上司類進中政院國朝正旦冬至各行省進箋稱

賀其所屬府州則各進于行省類進中書省諸各處分衛守  
禦官各進於都督府都督府類進其直隸府州則進于禮部  
其寫箋式參用唐制起首具官臣某等誠懼誠忤稽首頓首

上言

云云

中賀臣某等誠懼誠忤稽首頓首敬惟皇后殿下

云云

末後臣某等無任瞻仰激切屏營之至謹奉箋稱賀

以聞臣某等誠懼誠忤稽首頓首謹言年月日具官臣某

等謹上箋

以上並用小字真書其署名加小端謹箋文前  
上面貼紅帖一方如印大帖下用印紅帖上所

書如正旦寫進賀正旦箋文如冬至寫  
進賀冬至箋文末後年月日上亦用印

封皮

上用紅帖如  
正旦于上書

寫進賀正旦箋文冬至寫進賀冬至箋文紅帖下用印  
印下寫具官臣某上進謹封於上進謹封字上用印

副本

用手本小字真書後年 袂匣

用木飾以金鳳鎖鑰全用紅羅夾袂二條

上銷金鳳紋小者裹箋於匣內大者裹匣外仍用繒片油絹袂重裹

### 宴會

周宮內宰掌致后之賓客之禮註謂諸侯夫人有會見  
王后之法故亦致禮焉然則諸侯夫人朝於王后而王  
后與之行宴會之禮者其來尚矣漢魏以降其禮漸廢  
至唐每正旦冬至則外命婦皆朝中宮朝畢而會其儀

則有尚寢率其屬鋪外命婦等之座於殿上大長公主  
以下於御座東南重行西向太夫人以下於御座西南  
重行東向又設不升殿者座席於東西廊下尚食設壽  
罇于殿上又設升殿者酒罇于東西廊下又設廊下者酒罇  
各於其座之南皆有坫冪俱幃以帷皇后褱衣即御座樂奏  
正和之曲命婦為首者進酒於御座前跪稱賀司言承  
令宣荅酒行十二遍仍有賜帛宋每遇慶節皇親戚里  
之家臣僚命婦入內進奉而宴會之詳未見記述國朝

正旦冬至壽誕內殿受朝畢內使監仍於殿上陳設御座殿庭及露臺上左右陳設儀仗殿內擎執如受朝之儀殿內御座之東設皇太子妃及王妃公主座位以次而南西向御座之西設皇妃六位坐位以次而南東向近左右第一行設一品命婦坐位東西相向第二行左右設二品命婦坐位東西相向第三行設三品四品命婦坐位東西相向皆以北為上東西廡下設四品以下至七品命婦座東西相向以北為上女伎陳大樂細樂及

諸舞隊於殿之南楹內使監設御酒罇御食案內外命婦酒罇食案訖皇后常服升御座丞相夫人進壽花於御前酒行七遍間進食五次皆以樂為節兼用諸舞隊宴畢命婦以次出

皇太子正旦朝賀儀注

冬至壽誕同但改用贊詞

前期內使監於坤寧宮設皇后御座于正中設皇太子幄次於王宮門外之東近南親王幄次于王宮門外近南之東西其日設儀仗於露臺上及殿庭之東西設皇

太子親王拜位於露臺上正中及殿內正中司贊二人  
位於露臺上拜位之北東西相向司賓二人位於司贊  
之南東西相向內贊二人位於殿內拜位之北東西相  
向樂工陳樂於王宮門外皇太子親王朝上位訖司賓  
引導仍具寬服至幄次內使監官啟知皇后首飾褱衣  
將出仗動樂作陞御座樂止司賓引導皇太子親王入  
就殿前拜位初行樂作至拜位樂止司賓二人分立於  
東西司贊唱鞠躬樂作拜興拜興拜興拜興平身樂止

司賓導引皇太子親王俱進自殿東門樂作司賓伺於

門外內贊接引至於御前拜位樂止內贊唱跪皇太子

跪親王皆跪皇太子稱長子某茲遇履端之節冬至則云履長

之節壽旦則云茲遇母后殿下聖誕之辰謹率諸弟等恭上千歲壽謹率諸弟某王等恭

詣母后殿下稱賀內贊唱俯伏興平身皇太子親王皆俯

伏興平身內贊引皇太子親王自殿東門出樂作司賓

引復殿前拜位樂止司贊唱鞠躬樂作拜興拜興

拜興平身樂止內使監官啟禮畢司贊唱禮畢皇后與



樂作

至內閣門司賓引皇太子親王還幄次樂止

內外命婦正旦朝賀儀注

前期侵晨內使監官於坤寧宮設皇后御座設皇妃幄  
次於王宮門外之西近北設皇太子妃王妃公主幄次  
於王宮門外之東稍南設內外命婦幄次於門外之南  
東西相向其日設儀仗于殿庭及露臺上之東西擎執  
於御座之左右皇妃皇太子妃王妃公主拜位於露臺  
上正中設外命婦侍立位於殿庭之東西拜位於殿庭

正中設司贊二人位於露臺上之東西二人位於殿庭  
之東西司賓二人位於露臺上司贊之南東西相向二  
人位於殿庭司贊之南東西相向內贊二人位於殿內  
東西相向司言一人於殿內之東內贊之北樂工位於  
宮門之外內使監官啟請皇后首飾褱衣出閣伏動樂  
作陞御座樂止司賓二人於幄次引外命婦由東門入  
侍立位司賓二人於幄次引皇妃等由東門入東陞陞  
至露臺上拜位司贊唱拜樂作興拜興拜興樂止

司賓引貴妃由殿東門入至殿上拜位內贊司贊同唱  
跪貴妃與衆妃皆跪貴妃稱妾某氏等茲遇履端之節  
恭詣皇后殿下稱賀內贊司贊同唱興皇妃皆興司賓  
引貴妃由殿東門出樂作復位樂止司贊唱拜樂作興  
拜興拜興拜興樂止唱禮畢司賓引皇妃由東階降東  
門出司賓二人引皇太子妃王妃公主由東門入東陞陞  
至露臺上拜位司贊唱拜樂作興拜興拜興樂止  
司賓引皇太子妃由殿東門入至殿上拜位內贊司贊

同唱跪皇太子妃與王妃公主皆跪皇太子妃稱長婦  
妾某氏等茲遇履端之節恭詣皇后殿下稱賀內贊司  
贊同唱興皇太子妃王妃公主皆興司賓引皇太子妃  
由東門出復位司贊唱拜樂作興拜興拜興拜樂止  
司賓引皇太子妃王妃公主由東陞降東門出司賓引  
外命婦入拜位司贊唱班齊唱拜樂作興拜興拜興拜  
興樂止司賓引班首由西陞陞樂作西門入至殿上拜  
位樂止內贊司贊同唱跪班首及命婦皆跪班首稱某

國夫人妾某氏等茲遇履端之節恭詣皇后殿下稱賀  
內贊司贊同唱興班首及外命婦皆興司賓引班首由  
西門樂作出西陞降復位樂止司言前跪承旨由殿中  
門出立于露臺上之東南向稱有旨司贊唱跪衆命婦  
皆跪司言宣旨云履端之慶冬至則云履長之慶與夫  
人等共之司贊唱興衆命婦皆興司言入跪云宣旨畢  
司贊唱拜樂作興拜興拜興拜樂止司贊唱禮畢內  
使監官啟禮畢皇后興樂作入內閣門司賓引衆命婦

由西門出樂止

宴會命婦儀注

正旦冬至  
壽誕並同

坤寧宮受朝賀畢內使監官仍於殿上陳設御座於殿  
庭及露臺上左右設儀仗及御座左右擎執如受朝之  
儀又於御座西畔設貴妃等六妃位東畔稍南設皇太  
子妃王妃公主位於殿南左右第一行設一品外命婦  
坐次左右第二行設二品命婦座左右第三行設三品  
外命婦坐次左右第四行設四品外命婦坐次以北為

上東西相向東西廡下設四品以下外命婦座次以北  
為上樂工於殿之南楹陳大樂細樂及諸舞隊設御酒  
尊於殿之南楹正中設皇妃酒尊於御酒尊之西皇太  
子妃王妃公主酒尊於御酒尊之東設外命婦酒尊於  
殿門左右及東西兩廡御位司壺二人尚酒尚食二人  
皇妃六位司壺一人奉酒奉食二人皇太子妃王妃公  
主司壺一人奉酒奉食二人殿上左右行每一行司壺  
二人奉酒奉食二人東西廡各有司壺供酒供食之人

陳御食案於殿上正中及皇妃六位食案於殿上之西  
稍南皇太子妃王妃公主食案於殿上之東稍南外命  
婦食案東西廡命婦食案皆先設於本位前將宴諸執  
事人各供事司賓引大小命婦各服常服侍立於殿門  
外之左右內使監官啟知皇后常服皇妃皇太子妃王  
妃公主常服隨從出閣仗動樂作陞御座樂止司賓引  
皇妃皇太子妃王妃公主入就位司賓引大小命婦入  
各立於座位後丞相夫人率次命婦等舉御食案進



於御座前丞相夫人捧壽花進於御前二品外命婦各  
舉食案進於皇妃皇太子妃王妃公主前進壽花於皇  
妃皇太子妃王妃公主前大小命婦各就位坐奉御及  
諸執事人分進壽花於殿內大小命婦及分進壽花於  
東西廡命婦訖司壺於御前尚酒及皇妃皇太子妃王  
妃公主前進酒內外命婦前各供酒樂作樂女北面立  
舉手唱上酒飲畢樂止東西廡大小命婦前司壺各斟  
酒如儀奉御於御座前尚食供食者於皇妃皇太子妃

王妃公主前及外命婦前各供食樂作樂女北面舉手

唱上食食畢樂止東西廡大小命婦前供食者各供食

如儀凡酒七行間進食五次上酒上食樂作樂止並如

儀樂立間用舞隊宴畢皇后興樂作侍從導引還宮如

來儀樂止司賓引大小命婦以次出

諸王來朝儀注

前期內使監於坤寧宮陳設皇后御座於正中南向設  
親王幄次於王宮門外是日設儀仗於殿庭及露臺上

之東西設親王拜位於露臺正中及殿內御座前司贊  
二人位於露臺上拜位之北東西相向司賓二人位于  
司贊之南東西相向內贊二人位於殿內拜位之北東  
西相向樂工陳樂於宮門之外北向陳設畢司賓引王  
服袞冕入伺於幄次內使監官啟請皇后首飾褱衣出  
閣仗動樂作陞御座樂止司賓引王由東陞樂作入  
就露臺上拜位樂止贊禮唱鞠躬樂作拜興拜興拜興  
拜興平身樂止司賓導王由殿東門入樂作至位司賓

分立於左右

樂止

內贊唱跪王跪稱第幾子某王某茲

遇孟春

四時隨時改易

入覲恭詣母后殿下朝拜內贊唱俯伏

興平身王俯伏興平身司賓引王由殿東門出

樂作

復位

樂止司贊唱鞠躬

樂作

拜興拜興拜興拜興平身

樂止

司贊唱禮畢內使監官啟禮畢皇后興樂作至內閣門

司賓引王出就幄次樂止

皇太子諸王朝圖

明集禮卷十八上 二十二

靖江王

潭王

齊王

吳王

晉王

皇太子

秦王

燕王

楚王

荆王

五

司賓

司焚

司賓

司贊

內基

內使掌執

御座

肉使擎執

內贊


司言

中宮受皇妃賀圖

明集禮卷十八上 二十三

外命婦侍立位

位立侍婦命外




中宮受皇太子妃王妃公主賀圖

明集禮卷十八上 二十四


外命婦侍立位

外命婦侍立位



中宮受外命婦賀圖

明集禮卷十八上 二十五





內殿宴會內外命婦次序

明集禮卷十八上 二十六

外命婦五品以下

外命婦四品  
外命婦三品  
外命婦二品  
外命婦一品

皇太子妃  
王妃  
公主

御座


貴妃  
充貴妃  
惠妃  
寧妃  
定妃  
順妃

品一婦命外  
品二婦命外  
品三婦命外  
品四婦命外

外命婦五品以下

諸王來朝圖

明集禮卷十八上 二十七



欽定四庫全書

明集禮卷十八下

嘉禮三

東宮朝會

總叙

皇太子受羣官賀儀漢以前無聞唐正旦冬至則於大朝會之明日百官朝集使等皆詣東宮行禮羣官再拜稱賀又再拜皇太子有答後再拜之儀宋正旦冬至三

公賀前後皆再拜皇太子俱答拜其中班首稱賀有承  
令宣答之制次樞密院官賀次受師傅保賓客賀並如  
上儀次文武宮官賀班首稱賀無宣答亦不答拜元正  
旦則於大朝會之明日文武羣官以下常服至東宮行  
國俗四跪拜禮其千秋亦如之國朝正旦冬至奉天殿  
朝畢皇太子於大本堂受三公賓客諭德賀有答後再  
拜之禮百官詣東宮賀有稱賀宣答而不答拜今具歷  
代儀文并國朝儀注以著于篇

## 儀仗

東宮受朝儀仗前代記載皆雜見於鹵簿中唐有龍旗  
六左右二廂儀仗各六色每色九行每行六人以戟赤  
麾弓箭儀鉞眊刀楯儀鎗五色幡油戟相間又繖二雉  
尾扇四夾繖又有團雉尾扇二小方雉尾扇八分左右  
左右廂絳引幡十二為二行前六幡後六幡又朱漆團  
扇六紫曲蓋六又團扇二小方扇八又執班劍二行執  
儀刀六行宋龍旗六左右廂儀仗各六色色各九行行

六人前第一行戟赤麾次第二行弓矢次第三行儀鉞  
旄次第四行刀楯次第五行儀鎗五色幡次第六行油  
戟執班劍二行儀刀六行並與唐同又朱團扇六紫曲  
蓋六又繖二雉尾扇四團雉尾扇二方雉尾扇八分左  
右國朝東宮儀仗中門外中道設龍旗六角六鼓六鉦  
六黃旗一居中左前青旗一右前赤旗一左後黑旗一  
右後白旗一每旗下執弓弩六殿下左右執幡麾等仗  
三十六殿前左右班劍等儀四十八殿門左右團扇等

儀十二殿上左右香鑪香合等儀六詳見儀仗篇

### 樂

周制王用宮懸樂諸侯用軒懸而無王世子用樂之文  
樂書云三王教世子必以禮樂則東宮安得不設樂乎  
梁武帝天監中東宮新成皇太子宴會司馬瑩請奏金  
石軒架之樂賀瑒請備文武二舞正旦上壽奏介雅亦  
殆先王之制也隋皇太子正旦張樂受賀唐制皇太子  
樂用軒懸舞用六佾宋皇太子之樂不言其制國朝東

宮正旦冬至受羣官賀用大樂加用細樂詳見樂書

陳設

東宮受朝賀陳設唐皇太子正至朝會前一日典設官設幄座於正殿東序西向守宮設羣官等次於東宮朝堂伶官展軒懸於殿庭典設郎鋪羣官牀座於殿上又設文武三品官位於殿上奉禮設文武官朝集使及諸親位於門外其日質明諸衛率各勒所部屯門列仗宋正旦冬至所司設三公以下文武羣官等次如常儀典儀設



皇太子答拜褥位於階下南向又設文武羣官版位於門之內外國朝陳設見於儀注

### 執事

按古者東宮受朝執事唐正旦冬至左右衛率府衛率掌陳兵仗司直二人分知東西班左庶子掌版奏左諭德列侍於左階右諭德列侍於右階典設郎一人掌設幄座守宮一人掌設羣官位率更令掌張樂懸典膳掌陳酒尊掌儀一人奉禮一人贊者二人通事舍人二人

宋正旦冬至受三公以下文武羣官賀有典儀掌設答  
拜褥位又掌文武羣官版位舍人掌引三公以下羣官  
禮左庶子掌啟內嚴外備內侍掌褰簾國朝正旦冬至  
千秋節大本堂受三公師傅賀陳皇太子座一人啟外  
備一人導引皇太子四人設三公賓客諭德位一人設  
皇太子答拜褥位一人知班二人贊禮二人內贊二人  
引文武侍從班四人鋪墊拜席一人東宮受百官賀陳  
皇太子座一人啟外備一人導引皇太子四人設百官

位一人知班二人贊禮二人內贊二人宣箋官一人宣箋目官一人展箋官一人受箋官一人承令官一人引文武班四人鋪墊拜席一人引便客二人殿下儀仗三十六人殿前儀仗四十八人殿門前擎執十二人殿上擎執六人殿門前將軍六人樂工三十二人

班位

唐正至東宮受賀羣官班位之序皇太子於正殿東序西向坐文官三品以上位於皇太子西南重行北向武

官三品以上位於皇太子西北重行南向俱以東為上  
朝集使以上及都督刺史各依方於文武官之下設不  
升殿者坐於殿東西廂文官四品五品於軒懸之東六  
品以下於橫街之南每等異位重行西向北上武官四  
品五品於軒懸之西六品以下於橫街之南每等異位  
俱重行東向北上朝集使非升殿者分方各於文武官  
當品之下諸州使人分廂各於朝集使之下亦如之諸  
親於四品五品之下設門外位於東宮朝堂之前文官

在東武官在西俱每等異位重行相向北上諸親位於  
文武四品五品之下宗親在東異姓在西諸州朝集使  
位東方南方於宗親之南每等異位重行西面西方北  
方異姓親之南每等異位重行東面俱以北為上宋正  
旦冬至受三公以下文武羣官賀皇太子答拜褥位階  
下南向三公以下拜位階下近南北向元正旦於大朝  
會之明日文武羣官以常服至東宮行賀禮皇太子居  
偏殿南向座羣官自丞相以下以次入北面行四跪拜

禮國朝正旦冬至千秋節皇太子於大本堂受三公賓客諭德常服賀禮三公師傅拜位北向皇太子答拜位南向東宮受羣官賀羣官拜位於庭中北向文東武西每等異位重行使客位於庭中文官之東學官位於文官之南

贊詞

唐正旦羣官稱賀皇太子贊詞云元正首祚景福惟新伏惟皇太子殿下與時同休冬至稱賀云天正長至伏

惟皇太子殿下與時同休國朝正旦冬至羣官稱賀皇  
太子云三陽開泰萬象惟新敬惟皇太子殿下茂膺景  
福宣答云履茲三陽願同嘉慶冬至稱賀云茲遇律應  
黃鐘日當長至敬惟皇太子殿下茂膺景福宣答云履  
長之節願同嘉慶皇太子千秋羣官稱賀云茲遇皇太  
子殿下壽誕之辰謹率文武羣官敬祝千歲壽

賀箋

漢班固有上東平王箋魏吳質有上太子箋然不專於

慶賀也唐令有百官上東宮箋式於皇太子稱殿下自稱名  
不稱臣蓋始用於慶賀矣宋羣臣上皇太子箋與唐同  
元正旦及千秋在內省院臺進箋赴詹事院收受在外  
行省亦然其所屬五品以上第進所屬上司類進詹事  
院皆稱名不稱臣國朝正旦冬至千秋各行中書省進  
箋稱賀及類進所屬府州賀箋赴中書省其各處分衛  
守禦官各進於都督府其直隸府州則進於禮部其寫  
箋式參用唐制起首具官某等誠忻誠忭頓首頓首上



言云云中賀某等誠忭誠忭頓首頓首恭惟皇太子殿

下云云末後某等無任瞻仰激切屏營之至謹奉箋稱

賀以聞某等誠忭誠忭頓首頓首謹言年月日具官某

等謹上箋

以上用小字真書其署名加小端謹箋文上面貼紅帖一方如印大帖下用印紅帖上寫

如正旦寫進賀正旦箋文如冬至寫進賀冬至箋文末後年月日上亦用印封皮上用紅帖如正旦於

上書寫進賀正旦箋文冬至寫進賀冬至箋文紅帖下用印印下寫具官某上進謹封於上進謹封字上用印

副本

用手本小字真書後年袂匣

用木飾以金靖鎖鑰全紅羅夾袂二條上

用銷金靖紋小者裏箋於匣內大者裏匣外仍用穗片油絹袂重裏

正旦受三師賀儀

冬至千秋節同

前期內使監官設皇太子座于大本堂如常儀拱衛司設皇太子答拜褥位於堂中侍儀司設三師賓客諭德拜位於堂前贊禮二人位於三師位之北東西相向內贊二人位於堂中東西相向是日贊禮內贊入就位引進導皇太子常服陞座引禮引三師賓客常服入就位北向立定皇太子起立南向贊禮唱鞠躬拜興拜興拜興拜興拜興平身三師賓客鞠躬拜興拜興拜興拜興平身

皇太子先受兩拜後答兩拜內贊贊拜如常儀引進啟  
禮畢導引皇太子至東宮三師賓客以次出

正旦受羣官賀儀冬至同

前期內使監陳皇太子位于東宮正殿如常儀侍儀司  
設筵案位于殿下之西及殿內正中文武百官拜位於  
殿下文東武西每等異位重行設使客位於文官之東  
設學官位于文官拜位之南宣筵官宣筵目官展筵官  
位于筵案之西受筵官位于殿上之東承令官位于殿

上之東知班二人位于文武官拜位之北東西相向贊禮二人位于知班之北東西相向內贊二人位於殿上之南東西相向引文武班四人位于文武班之北稍後東西相向引使臣二人位于引文班之南西向是日宿衛陳甲士兵仗於東宮外門外及旗幟於中門外將軍六人于殿門之東西拱衛司陳設儀仗於殿下之東西及殿前之東西爵之東西使監擎執於殿上之左右和聲郎陳樂器於文武拜位之南侍儀舍人常服置賤函于案舉入

位引班引文武官常服齊班于東宮門外之東西通贊  
內贊宣箋宣箋目展箋受箋官承令官俱入就位引進  
啟外備導皇太子常服陞殿將入樂作陞殿樂止引班  
引文武官入就位知班唱班齊贊禮唱鞠躬樂作拜興  
拜興拜興拜興平身樂止引班引丞相詣西階陞西門  
入引班立候于門外內贊接引丞相至殿內拜位立定  
內贊唱跪丞相跪贊禮唱衆官跪衆官皆跪丞相稱某  
街某官某茲遇三陽開泰萬象維新

冬至則云律應  
黃鐘日當長至敬

惟皇太子殿下茂膺景福賀畢內贊唱俯伏興丞相俯  
伏興贊禮唱俯伏興衆官俯伏興內贊引丞相出自西  
門內贊復位引班引丞相西階降復位引班退復位贊  
禮唱進箋捧箋官詣案捧箋與宣箋宣箋目官展箋官  
一同由西階西門入內贊唱進箋捧箋官跪進箋受箋  
官跪於案東受箋出置於案內贊唱宣箋宣箋官興就  
取箋目跪于案西展箋官同跪展宣畢展箋目官興復  
位宣箋目官俯伏興以箋目復于案復位宣箋官詣案

取箋跪讀于西展箋官同跪宣畢展箋官興復位宣箋  
官俯伏興以箋復于案與宣箋展箋官俱由西門出復  
位承令官由中門出立殿階東南稱有令贊禮唱跪衆

官皆跪傳令云履茲三陽願同嘉慶

冬至則云履長承之節願同嘉慶

令畢由西門入跪云承令畢俯伏興贊禮唱鞠躬

樂作

百官皆鞠躬拜興拜興拜興平身

樂止贊禮唱禮

畢引進啟禮畢皇太子興

樂作還宮

樂止

舍人舉箋案

出引班引文武百官以次出

千秋節受羣官賀儀

前期內使監陳皇太子座于東宮正殿如常儀侍儀司設箋案位於殿下之西北及殿內正中文武官拜位於殿下文東武西每等異位重行使客位于文官之東學官位于文官拜位之南知班二人位於文武官拜位之北東西相向贊禮二人位于知班之北東西相向內贊二人位于殿上之南東西相向引文武班四人位於文武班之北稍後東西相向引使客二人位於引文班之



南西向是日宿衛陳甲士兵仗於東宮外門外之左右  
及旗幟於中門外之左右將軍六人于殿門之東西拱  
衛司陳儀仗於殿下之東西及殿前之東西殿門之東  
西內使擎執于殿內之左右和聲郎設樂工位于文官  
拜位之南侍儀司舍人常服置箋函于案舉入位引禮  
引文武官常服齊班於東宮門外之東西引禮引使客  
學官各常服入立于下知班贊禮內贊宣箋宣箋目展  
箋受箋官承令官俱就位引進啟外備導皇太子常服

陞殿將入樂作陞殿樂止引禮引文武官使客學官入

就位引禮亦就本位知班唱班齊贊禮唱鞠躬樂作拜

興拜興拜興拜興平身樂止引班引丞相由西階陞樂

作至西門入引班立候于門外內贊接引丞相至殿內

拜位樂止內贊唱跪丞相跪贊禮唱衆官皆跪衆官皆

跪丞相稱某銜某官某等茲遇皇太子殿下壽誕之辰

謹率文武羣官敬祝千歲壽賀畢內贊唱俯伏興丞相

俯伏興贊禮唱俯伏興衆官皆俯伏興內贊引丞相出

自西門樂作內贊復位引班引丞相西階降復位樂止

引班退復位贊禮唱進箋捧箋官詣案捧箋與宣箋宣  
箋目官展箋官一同由西階西門入內贊唱進箋捧箋  
官詣案前跪進箋受箋官跪於案東受箋出置于案內  
贊唱宣箋宣箋目官取箋目跪于案西展箋官同跪展  
宣畢展箋目官興宣箋目官俯伏興以箋目復于案退  
復位宣箋官詣案取箋跪讀于西展箋官同跪宣畢展  
箋官興宣箋官以箋復于案與捧箋展箋受箋官俱詣

西門出復本位贊禮唱鞠躬樂作拜興拜興拜興  
平身樂止贊禮唱禮畢皇太子興樂作還宮樂止舍人  
舉案出引禮引文武百官以次出

諸王來見儀注

前期内使監官設皇太子位于東宮正殿正中設諸王  
次于東宮門外侍儀司設諸王拜位于殿門之外及殿  
內北向設王府官拜位于殿庭中道上之東西北向贊  
禮二人位于王拜位之北東西相向內贊二人位于殿

內王拜位之北東西相向傳贊二人位于王府官拜位之北東西相向引王府官班二人位于王府官拜位之北稍後東西相向文武官侍立位于庭中東西相向是日宿衛陳甲士兵仗於東宮門外之左右及旗幟於中門外之左右拱衛司於殿門前及于庭中之左右陳設儀仗內使擎執于殿內之左右和聲郎設樂於殿庭之南王朝賀中宮訖至東宮門外幄次內使監令啟知引進導引皇太子常服出樂作陞座樂止引禮二人引王

入就殿門外位王初行樂作就位樂止引班二人引王府官入就位贊禮承傳同唱鞠躬樂作拜興拜興平身王與王府官皆鞠躬拜興拜興平身樂止引進引王詣殿東門入樂作引進立候于門外內贊二人接引王至位北向立樂止內贊承傳同唱跪王與王府官皆跪王跪稱茲恭詣皇太子殿下內贊承傳同唱俯伏興平身王與王府官俯伏興平身內贊引王由殿東門出樂作內贊復位引進接引王出復本位樂止贊禮同承傳同

唱鞠躬

樂作

拜興拜興平身王與王府官皆鞠躬拜興

拜興平身樂止

贊禮承傳同唱禮畢引進啟禮畢皇太

子興樂作

引禮引王出

樂止

王府官及文武陪位以次

出

欽定四庫全書

卷十八下

三



諸王來見班位

文官侍立位

引班  
承傳

諸王來見班位

引班  
承傳

武官侍立位

樂工

引禮  
贊禮

王拜位

樂工

引禮  
贊禮

內贊

皇太子拜位

王拜位

內贊

大本堂受三師賀

明集禮卷十八下 十七

受訖

川宮

會禮

引禮

贊禮

引禮

贊禮

內贊

引進

內贊

引進

皇太子立位

羣官賀圖

明集禮卷十八下十八

使容

知班	贊禮	引班	引班
----	----	----	----

[illegible][illegible][illegible]

案案

拜位

内賛

内景

受戒官

承令官

皇太子位

案

欽定四庫全書

卷一百一十五

明集禮

子九

明集禮卷十八下